



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Van't elffte hoofd-stuck.

urn:nbn:de:hbz:466:1-39385

Van het elfste hoofdt-stuck.

M. Wat ghelooft-dy int xj. hoofdt-stuck.

D. Dat alle menschen die opt gheweest zijn / oft noch comen sullen / ten ionghsten dage sullen weder-om verrijsen / ende in haer eyghen lichaem veur Christo den Ghechter comen sin eeuwichen loon naer tijdelijcke wercken te ontfanghen.

M. Waer-om segh-dy verrijsenisse des vleeschs?

D. Om te kennen te gheuen dat onse sielen onsterffelijck zijn.

M. Waer-om sullen alle menschen met heure lichaem verrijsen?

D. Om dat niet alleen de siele goedt oft quaedt ghedaen heeft / maer oock het lichaem / als der sielen instrument: soo ist van noode / dat niet alleen de siele / maer oock het lichaem ghelooft worde met d'eeuwighe glorie / oft eeuwighe pijn.

M. Hoedanigh sullen de lichaemen zijn?

D. Ni te mael onsterffelijck / maer de lichaemen der rechtveerdighen sullen met vier loffelijcke gauen begaet zijn.

M. Welcke zijn die?

D. Ten eersten sullen sy claerder blincken dan de sonne. Ten anderen, sullen onlijdelijck zijn. 3. En sullen niet swaer zijn / maer licht / ende wackerjom ter-stondt te moghen zijn daer sy willen. Ten vierden / sy sullen subtil zijn / ende sonder eenigh weder-staen oft rebellie / doen al wat de gheest sal uyt-wijzen.

M. Hoedanigh sullen de lichaemen der verdoemde zijn?

D. Dupster ende mis-maecht. 2. seer bequaem om

om alle soorten van pynen te lyden. 3. swaer van ghewichte. 4. houdende haer ghaede gheueghentheden.

M. Wat vrucht nemt-dy uyt dese dinghen?

D. Dat wy in dit leuen ons lichaem niet en behoozen vele toe te gheuen / maer t'selue deur penitentie wel te supueren : Want ghelijck een school die wel gheschuert is claerlijck blinckt / soo sulden de lichaemen claerlijcker blincken ende schijnen / die hier met onghemack ende lyden wel ghepurgert zijn.

Van het twaelfste hoofstuck.

M. Wat hebt-dy in d leste hoofstuck?

D. Dat naer dit leuen is een ander leuen / in alder glozen ende sonder eynde / bereydt den ghenen die hier Godts wille vol-bzenghen.

M. Waer in is de glorie des eeuwighs leuens gheleghen?

D. In d'aen-schouwen ende ghenieten des aenschijns Godts / ende daer nae in de blydtschap die men schept uyt al wat inden hemel is : ten lesten / in d'euwigh besitten van dese ghenoechte / sonder eenighe vzeese die te verliesen oft daer in vermindert te worden.

M. Waer-om is dit hoofstuck het leste?

D. Om dat dit het eynde is van allen dinghen : want Godt heeft alle Engelen ende menschen gemaect om het eeuwigh leuen te besitten / ende alle andere creatueren / om de menschen daer toe te helpen.

M. Ghe-